

Sarajevo, **27-01-2022**
Broj: **10-04-4-3893-1**

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br. 10-04-4-3893 od 25.01.2022.godine, Generalna direktorica donosi:

ODLUKU

o izboru najpovoljnijeg ponuđača za
„Izvođenje radova na rekonstrukciji mokrih čvorova na Klinici za neurologiju”

I

Prihvata se prijedlog Komisije za javnu nabavku, Izvještaj br. 10-04-4-3893 od 25.01.2022.godine, za izvođenje radova na rekonstrukciji mokrih čvorova na Klinici za neurologiju, nakon provedenog otvorenog postupka Obavještenje o nabavci broj 893-1-3-843-3-667/21 od 22.12.2021.godine i Ugovor se dodjeljuje ponuđaču **DINALSA d.o.o. Sarajevo** sa slijedećim elementima:

- **Vrijednost ugovora: 138.750,36 KM bez PDV-a + PDV 23.587,66 KM = 162.338,62 KM sa PDV-om**
- Uslovi plaćanja: odgođeno plaćanje 60 dana po ispostavljenim privremenim situacijama i okončanoj situaciji
- Rok izvođenja radova : 45 kalendarskih dana od dana uvođenja Izvođača radova u posao
- Garancija na izvedene radove: 12 mjeseci od dana kada nadzorni organ primi izvedene radove po ugovoru.

II

Izabrani ponuđač **DINALSA d.o.o. Sarajevo**, ul Huseina Đoze br.3, 71000 Sarajevo, dužan je u roku od 5 (pet) dana od dana prijema ove Odluke, dostaviti original ili ovjerene kopije dokaza tražene tačkom 4.1 Tenderske dokumentacije, u skladu sa dostavljenom Izjavom ponuđača, ne stariji od 3 mjeseca računajući od momenta predaje ponude.

III

Ova Odluka stupa na snagu danom donošenja i u skladu sa zakonskim propisima će biti dostavljena ponuđačima učesnicima postupka javne nabavke i objavljena na web stranici KCUS-a.

O B R A Z L O Ž E N J E

Na osnovu Odluke o pokretanju postupka javne nabavke br. 58-11-3-58956-1 od 15.12.2021. godine, sa procijenjenom vrijednosti nabavke u iznosu od 150.000,00 KM bez PDV-a, Klinički centar Univerziteta u Sarajevu je 22.12.2021. godine objavio Obavještenje o nabavci broj: 893-1-3-843-3-667/21 na portalu e-Nabavke zajedno sa tenderskom dokumentacijom za izvođenje radova na rekonstrukciji mokrih čvorova na Klinici za neurologiju, putem otvorenog postupka. Finansijska sredstva za realizaciju nabavke planirana su Planom javnih nabavki KCUS-a za 2021.godinu pod klasifikacijom "Radovi",red.br.1. Kriterij vrednovanja ponuda je najniža cijena tehnički zadovoljavajuće ponude. Za postupak nabavke predviđeno je provođenje e-Aukcije.

Tendersku dokumentaciju za postupak javne nabavke preuzelo je 12 (dvanaest) potencijalnih ponuđača: Galbols d.o.o.;GD Konstrukcije d.o.o.; Ekapija d.o.o.; BBS Europe; Cospex d.o.o. Zenica; Braća Karić d.o.o.; EKO-GRADNJA d.o.o.; OD AMG; KOLINVEST d.o.o.; BABEL d.o.o.; ART Delux d.o.o. i DINALSA d.o.o.

Do krajnjeg roka određenog za prijem ponuda do 18.01.2022.godine do 09 h i 30 min na Protokol Kliničkog centra Univerziteta u Sarajevu dostavljene su dvije (2) ponude ponuđača:

1. DINALSA d.o.o. Sarajevo (br.prot. 10-11-3-2748 od 18.01.2022. godine u 08 h i 15 min) što je evidentirano Zapisnikom o zaprimanju ponuda br.10-04-5-2794)
2. KOLINVEST d.o.o. Sarajevo (br.prot. 10-11-3-2777 od 18.01.2022.godine u 9 h i 18 min) što je evidentirano Zapisnikom o zaprimanju ponuda br.10-04-5-2794 od 18.01.2022.godine)

Javno otvaranje ponuda održano je dana 18.01.2022.godine u 10,00 sati u sali za sastanke na lokaciji Objekat Tehničkog sektora (C9). Zapisnik sa otvaranja ponuda br. 10-04-5-2794-1 od 18.01.2022. godine u zakonskom roku je putem fax-a dostavljen ponuđačima učesnicima postupka javne nabavke.


Komisija imenovana Odlukom broj: 01-04-4-61707 od 29.12. 2021.godine sačinila je Zapisnik o pregledu i ocjeni ponuda br. 10-33-4-3461 od 21.01.2021.godine, u kojem je konstatovala da su dostavljene ponude formalno-pravno i tehnički ispravne.

Imajući u vidu da je za predmetni postupak javne nabavke predviđeno provođenje e-aukcije u skladu sa Pravilnikom o uslovima i načinu korištenja e-aukcije, ista je zakazana za 24.01.2022.godine

Tabelarni pregled ponuda nakon okončane e-aukcije:

Red. Br.	Naziv ponuđača	Cijena ponuda prije e-aukcije	Cijena ponuda nakon e-aukcije	Umanjenje cijene
1.	DINALSA d.o.o. Sarajevo	149.887,54 KM	138.750,36 KM	7,43%
2.	KOLINVEST d.o.o. Sarajevo	149.642,06 KM	138.900,00 KM	7,18%

Imajući u vidu naprijed navedeno, te da je u otvorenom postupku javne nabavke objavljenom na portalu e-Nabavke br. 893-1-3-843-3-667/21 od 22.12.2021.godine zadovoljena transparentnost, Komisija je dala prijedlog da se za izvođenje radova na rekonstrukciji mokrih čvorova na Klinici za neurologiju Ugovor dodijeli ponuđaču **DINALSA d.o.o. Sarajevo** sa jediničnim cijenama usklađenim nakon provedene e-aukcije u iznosu **138.750,36 KM bez PDV-a**. Prijedlog Komisije je prihvaćen i donijeta je odluka kao u dispozitivu.

24

GENERALNA DIREKTORICA
Prof.dr. Sebija Izetbegović

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima;
- Tehnički sektor
- a/a KCUS